

HOËRSKOOL ROODEPOORT VOORKOMSREËLS

Die skooldrag is die **trots** van Hoërskool Roodepoort en daarom moet leerders altyd **netjies** tydens skoolgeleenthede, sport- en kultuurbyeenkomste, op busse en OP STRAAT geklee wees.

Die skool streef na 'n besondere identiteit deur eenvormige, netjiese skooldrag en voorkoms en streef ook na die kweek van 'n persoonlike trots en 'n positiewe selfbeeld by elke leerder. Leerders moet geen ruimte gelaat word om die reëls te verdraai of vervorm soos dit hulle pas nie.

Wanneer reëls eenvoudig en duidelik is, is dit maklik om te verstaan en toe te pas. Kleredrag vir seuns en dogters word deur 'n komitee bepaal bestaande uit verteenwoordigers van ouers, personeel en leerders. Geen drag sal toegelaat word indien dit nie, op aanbeveling van hierdie komitee, deur die Beheerliggaam goedgekeur is nie. Slegs die voorgeskrewe skooldrag soos verskaf deur die leweransiers is toelaatbaar.

DOGTERS

Somersdrag



- Swart skoolskoene – Baby Dolls, skoene met bandjie (altyd vasgegespe) of toerygskoolskoene (veters vasgemaak).
- Skoene moet altyd vasgemaak word.
- Donkerblou skoolsokkies. **(GEEN WIT SOKKIES IS TOELAATBAAR NIE)**
- Donkerblou HOËRSKOOL ROODEPOORT skoollangbroek (SONDER SAKKE) of donkerblou skoolromp (10cm bokant die knie as jy kniel).
- **GÉÉN SKOOLLANGBROEK SE PYPE MAG NOUER GEMAAK WORD NIE!** (Géén “SKINNY” BROEKE NIE)
- Wit kortmouhemp (ingesteek). GEEN langmouhemde in die somer toelaatbaar nie. Somershemde is oopnek hemde.
- Géén langmoufrokies onder kortmouhemde nie. (Nié wit, swart of enige kleur nie)
- Mulouse skooloortrektrui mag sonder 'n baadjie gedra word OF skooloortrektrui én baadjie OF 'n langmoutrui én baadjie, moet elke dag gedra word.
- Langmoutrui sonder 'n baadjie OF 'n hemp én baadjie sónder 'n langmoutrui of oortrektrui, is ontoelaatbaar.
- **Géén leerder mag nét met 'n langmouskooltrui skool toe kom nie.**
- Hoërskool Roodepoort skoolbaadjie is verpligtend op Maandae en op die eerste dag van elke kwartaal.
- **DIT IS VERPLIGTEND VIR ALLE DOGTERS OM TEN ALLE TYE 'N MOULOSE OORTREKTRUI SAAM MET 'N WIT SKOOLHEMP TE DRA!**

Daar sal aangekondig word wanneer van somersdrag na wintersdrag(en andersom) oorgeskakel word.

GEEN somersdrag óf wintersdrag mag buitenstyd gedra word nie.

Wintersdrag

- Donkerblou broekiekouse (dik tipe – 78 decitex).
- Geen wit sokkies onder broekiekouse nie. As dit baie koud is, mag die blou skoolsokkies **ONDER** die broekiekouse aangetrek word.
- Donkerblou HOËRSKOOL ROODEPOORT skoollangbroek **SONDER SAKKE** (WAT BY DIE LEWERANSIER AANGEKOOP WORD) en donkerblou skoolsokkies. Die skoollangbroek se pype mag nie nouer gemaak word nie! (Géén "skinny" broeke nie)
- Wit langmou skoolhemp, oortrektrui of langmoutrui, das en baadjie.
- Das en baadjie is verpligtend en moet elke dag gedra word.
- Op uitermatige koue dae mag die Hoërskool Roodepoort sweetpakbaadjie slegs **ONDER** die skoolbaadjie gedra word. **'n Sweetpakbaadjie alleen is nié skooldrag nie.**
- Slegs die Roodie-serp mag gedra word.
- Skoene moet altyd vasgemaak wees(veters en bandjies)

Hare

- Netjiese haarstyle wat by die skooluniform pas.
- Hare mag **NIE** gekleur word **NIE**.
- Geen hare mag in die oë hang nie en skouerlengte of lang hare moet netjies vasgebind wees.
- Hare mag nie gestileer word nie en die 'wet look' is onaanvaarbaar.
- **Linte:** Slegs Rooi linte wat by die verskaffer aangekoop kan word.
- **Knippies:** Slegs bruin/ swart.
- **Strikkie / knippies:** Slegs klein effe SWART / BRUIN (**Géén kolletjies / strepies op die strikkies /knippies nie!**)
- **Rekkies:** Slegs bruin/swart
- **Alice- Band:** Slegs bruin/swart. (Géén kolletjies / strepies op die lint nie!)
- Smal/breë (±2,5cm breed) lap- of materiaalhaarbande is toelaatbaar.
- Géén blomme of blinkers op die kopbande nie
- Slegs dun vlegseltjies(brading) wat vasgemaak kan word, is toelaatbaar.
- Slegs natuurlike haarkleure is toelaatbaar. Hare mag glad nie gekleur word nie en geen gekleurde vlegseltjies word toegelaat nie..
- Geen uitspattige haarstyle word toegelaat nie.
- Lang hare moet altyd vasgemaak word, al dink jy die styl vereis dit nie.

Grimering

- **Géén** grimering van enige aard word toegelaat nie. Dogters met ernstige velprobleme moet toestemming by **me Smuts** kry vir die dra van 'n onderlaag.
- 'n Doktersbrief moet ingehandig word.

HIERDIE REËLS GELD VIR ALLE LEERDERS!

Naels

Naels word kort gedra en mag nie by die vingerpunte verbysteeek soos gesien van die palm van die hand nie. Geen naellak van enige aard (insluitende akriel of gel) word toegelaat nie.

Juwele

- **SLEGS** 'n horlosie en 'n seëlring word toegelaat.
- **SLEGS** 'n goue of silwer knoppie (stud) of goue of silwer ooringetjie mag as oorbelle gedra word
- **SLEGS** een per oor in die **oorlel** is toelaatbaar. Geen gekleurde (selfs diamante) steentjies of pêreltjies of enige ander ringe (naeltjie-, tong-, neus, oogringe of op watter sigbare plek ook aan die liggaam) word toegelaat nie.
- **GEEN** oorbel mag toegeplak word nie.
- **GEEN** armbandjies mag gedra word nie, behalwe 'n Medic Alertbandjie vir allergieë.
- **SLEGS** Hoërskool Roodepoort lapelwapens mag gedra word.
- **GEEN** tatoeëermerke is toelaatbaar nie. Bestaandes moet óf toegeplak, óf met verbloemroom bedek word.

ALGEMEEN

Géén ou matriekdasse mag gedra word nie!

Provinsiale presteerders

GEEN Eerstespan-, Provinsialespan baadjies of -sporttrui mag tydens skoolure gedra word nie - Behalwe Vrydae (mét vooraf toestemming).



SEUNS

Somersdrag:

- **SLEGS** swart **SKOOLSKOENE** met veters (altyd opgeryg en vasgemaak). Nie swart tekkies of kerkskoene nie.
- Skoene moet netjies en gepoleer wees. Veterskoene moet altyd vasgemaak wees.
- Grys skoolsokkies/kouse en swart gordels met 'n eenvoudige gespe wat nie breër as die gordel is nie.
- Grys lang- of kort skoolbroek en wit skoolhemp (lang- of kortmou).
- **GÉÉN LANGBROEK SE PYPE MAG NOUER GEMAAK WORD NIE. Géén "SKINNY" BROEKE NIE!**
- Hoërskool Roodepoort skooldas is altyd verpligtend.
- Géén ou matriekdasse word toegelaat nie
- Die das moet ordentlik gevou wees en moet 5cm bokant die broek se gordel hang.
- Hoërskool Roodepoort oortrektrui.
- **LANGMOUTRUI SONDER 'N BAADJIE IS ONTOELAATBAAR.**
- **DIE MOULOSE OORTREKTRUI MAG SONDER 'N SKOOLBAADJIE GEDRA WORD.**
- Geen skoolsweetpakbaadjies mag alleen gedra word nie.

- Hoërskool Roodepoort skoolbaadjie is verpligtend op Maandae en op die eerste dag van die kwartaal.
- **SLEGS PETTE WAT BY DIE LEWERANSIERS AANGEKOOP IS, IS TOELAATBAAR BY DIE SKOOL.**
- **Die pette magnie in die klas gedra word nie.**

Wintersdrag:

- Das en baadjie is **altyd** verpligtend gedurende die wintermaande en moet **ELKE** dag gedra word.
- Op uitermatige koue dae mag Hoërskool Roodepoort sweetpakbaadjie **SLEGS ONDER** die skoolbaadjie gedra word.
- Slegs die Roodie-serp mag gedra word.
- Geen moulose oortrektrui mag oor 'n langmoutrui gedra word nie.
- **GEEN** ander baadjie/sweetpakbaadjies mag gedra word nie.
- **Géén langmoufrokies onder kortmouhemde nie! (Nie wit, blou, swart of enige ander kleur nie)**

Hare

- Hare moet kort en netjies wees. Dit moet die haarlyn van die kop volg.
- Geen hare mag aan die kraag raak nie.
- Geen 'mohawks', 'steps', deurmekaar boskasies, stertjies of "mulletts" is toelaatbaar nie.
- Hare mag onder geen omstandighede gekleur word nie. Nie eers ligstrepies nie.
- Haarprodukte mag matig gebruik word as aan bogenoemde vereistes voldoen word.
- **GEEN** "mohawk with straightening" haarstyle bo-op die kop toegelaat nie.
- **GEEN** patroontjies ingeskeer op die kante van die kop toegelaat nie.
- **GEEN** lang kuiwe wat oor die oë hang word toegelaat nie.
- Slegs teen die kop "braids" sónder stertjies in die nek, is toelaatbaar.
- Die lengte van die hare bo-op die kop en langs die kant van die kop, moet in verhouding met mekaar wees.

ALGEMEEN

- Seuns moet elke dag skeer, geen lang bakkebaarde en 'sidies' word toegelaat nie. Leerders wat die reël oortree, word onmiddellik 'n skeermes gegee en versoek om te gaan skeer.
- Slegs leerders met geloofsoortuigings sal toegelaat word en moet die nodige briëfskrywe / dokumente toon.

Grimering

Grimering word hoegenaamd nie by seuns toegelaat nie.

Juwele

- **GEEN** juwele nie, behalwe 'n horlosie.
- **GEEN** ringe nie.
- **GEEN** armbandjies mag gedra word nie.

- **GEEN** 'studs' (naeltjie-, tong-, neus, oogringe of op watter sigbare plek ook aan die liggaam) word toegelaat nie.
- **SLEGS** Hoërskool Roodepoort lapelwapens mag gedra word.

Tatoeëermerke

Seuns word afgeraai om tatoeëermerke te kry. Tatoeëermerke moet te alle tye bedek wees. Geen merke mag sigbaar wees nie.

INFORMELE SKOOLUNIFORM VIR SEUNS EN DOGTERS

- Blou Roodie-hemp en 'n netjiese, smaakvolle, nie-onthullende (non-revealing) DONKERBLOU denim langbroek met tekkies.
- Skooltrui, skooloortrektrui of skoolsweetpakbaadjie indien dit koud is.
- AL DIE VOORKOMSREËLS GELD OOK MET DIE INFORMELE SKOOLUNIFORM (**HARE VASGEMAAK EN GÉÉN GRIMERING NIE**) EN INDIEN JY NIE DIE INFORMELE SKOOLUNIFORM DRA NIE, MOET DIE VOLLEDIGE SKOOLUNIFORM GEDRA WORD.

ALGEMEEN

- Wanneer leerders skooldrag in openbare plekke dra, moet dit volledig en netjies vertoon.
- Indien dit reën, mag 'n sambreel vir die doeleindes gebruik word. **GEEN** Drimac reënbaadjies of skool sweetpakbaadjie mag in dié geval gedra word nie.
- **GEEN** sportklere mag tydens skoolure gedra word nie. Na LO-prakties moet leerders in volle skooldrag geklee wees.
- Indien sport direk na skool plaasvind, mag **SLEGS** die betrokke spanne tydens pouse in 'n skoolsweetpak en tekkies verkleed.
- Die dra van die Roodie hempie en Roodie broekie is **verpligtend** tydens LO-prakties.

Provinsiale presteerders

GEEN Eerstespan-, Provinsialespan baadjies of -sporttrui mag tydens skoolure gedra word nie - Behalwe Vrydae (mèt vooraf toestemming).